



Isuri jam erimus, quia iterum aliquid scribendum & ad profana digrediendum fuerit, ecquid, antequam præsentis Declamatoris nostri materiam attingamus, ad superius *schediasma Cildum* addere & subnotare potuerimus. Diduxerat autem iste Declamator præteritus stylò solutò totam illam *Juvenalis satyræ quartam-decimam*, illam *κωτίτην*, parentibusq; utriusq; sexûs non temere aut obiter inculcandam, si forsan (quod in *ultimâ dicti Programmatis facie* monueram) Catechetis publicis, sanctis illis & religiosis monitoribus, nollent auscultare. Nihil sanè prohibeat, *Aristotelem* heic aliquem aut *Plutarchum*, *Ciceronem* audire aut *Senecam*. Nam quod *Tertullianus* sub fine secundi sæculi Messiani præscripsit, *Quid Athenis & Hierosolymis? quid Academia & Ecclesia? quid hereticis & Christianis? nostra institutio de porticu Salomonis est, qui & ipse tradiderat Dominum in simplicitate cordis esse querendum. Viderint qui Stoicum & Platonicum & Dialecticum Christianismum protulerunt, nobis curiositate opus non est post Christum JESUM, nec inquisitione post Evangelium: Cùm credimus, nihil desideramus ultrà credere, hoc enim prius credimus, non esse quod ultrà credere debeamus. Quicquid, inquam, heic præscripserit (de *Præscription. adv. heretic. capp. VII, XIX.*) de rebus & articulis fidei præscripsit, de quibus nos ex professo jam non agimus.*

Attendite igitur, si qui *Paullo Giscalita* gentium Doctori renueritis, vagæ juventæ summo moderatori & Rhetori *M. Fabio Quintiliano*. Is hunc in modum scribit (*lib. I. Institut. Orator. c. 3.*) Utinam liberorum nostrorum mores non ipsi perdere-  
 mus! Infantiam statim deliciis solvimus. Mollis illa educatio,  
 quam indulgentiam (α) vocamus, nervos omnes & mentis &  
 cor-

(α) Indulgere propriè est contrarium ἴσ̄ urgere. Urgere est *severi ἐπυοδίων*, qui pensum morosè exigit; Indulgere est ejus, qui de summo jure aliquid remittit, ut ferè parentes liberis. Recm. in *Origg.* ex *Casaubono*. Nempe ubi alget seu friget institutio & castigatio. Vid. *Mart. in Lex. Philolog.*